

СЛУЖБА СВЯТЫМ НОВОМУЧЕНИКОМ И ИСПОВЕДНИКОМ РОССИЙСКИМ

Текст Службы святым новомученикам воспроизводится по оригинальному изданию Русской Православной Церкви Заграницей

Служба сопровождается подстрочными примечаниями с указанием, какие именно святые поминаются в ее песнопениях. Текст Похвального слова митрополита Анастасия (Грибановского) сверен по изданию: **НОВЫЕ МУЧЕНИКИ РОССИЙСКИЕ**. Первое собрание материаловъ. Составилъ протопресвитеръ М. Польскій. Типографія преп. Іува Почаевскагw. Holy Trinity Monastery, Jordanville, N.Y., 1949 г. Список святых новомучеников, почитаемых Русской Православной Церкви Заграницей, воспроизводится без исправлений (за исключением перевода на современную орфографию) по Свято-Троицкому календарю на 1998 год. Уставные указания к Службе дополнены Марковой главой о праздновании святым новомученикам в Неделю о мытаре и фарисее, о блудном сыне или мясопустную в соответствии с уставными указаниями в Триоди Постной.

Совершается память их в Неделю, ближайшую к 25-му ианнуариа. И аще будет 25-е ианнуариа в понедельник, вторник или среду, поем новомучеником в Неделю, яже есть пред сим, аще ли будет в четверг, пяток или субботу, поем им в Неделю последующую. Аще прилучится 25-е ианнуариа в день недельный [воскресный], поем службу новомучеником в той же день, службу же святому Григорию Богослову в 27-й день ианнуариа купно со службой святителю Иоанну Златоусту. Предваряет тогда служба святителю Григорию. Ведомо буди и сие: служба сия бывает, наченши от 22-го и восходящи до 28-го ианнуариа. И аще прилучится тогда Неделя мытаря и фарисеа, или блуднаго, или мясопустная, поем новомучеником с Триодию непременно, якоже трием святителям по Марковой главе. Аще прилучится в той же день память великаго святаго, поем святому великому в субботу ближайшую, или в иной день. Аще же будет где в той день храм, поем службу храма с Триодию непременно, святым же новомучеником во грядущую Неделю.

М Подобаает ведати, аще случится память святых новомучеников в Неделю мытареву, или блуднаго, или мясопустную, поем службу их с Триодию сице.

На малей вечерни поем вся, якоже на ряду в службе новомучеником писано есть. На велицей вечерни на Господи, **воззвах**: стихиры воскресны 3, Триоди 3 и новомучеником 4, Слава, Триоди, И ныне, Богородичен догматик гласа. На стиховне стихиры воскресны, Слава, новомучеником, И ныне, Триоди. По **Ныне отпускаеши**: Богородице Дево: дважды и тропарь новомучеником единожды. На утрени, на Бог Господь: тропарь воскресен дважды, Слава, новомучеником, И ныне, Богородичен по гласу тропаря новомучеником. По кафисмам, седальны воскресны с Богородичны их. Таже полиелей. И аще поеши святым новомучеником в Неделю блуднаго или мясопустную, ко двум полиелейным псалмам припевается и третий, еже есть **На реках Вавилонских**: посем Аллилуиа и величание святым новомучеником. Таже поем псалом избранный новомучеников, и тропари Ангельский собор: Ипакои, и седальны новомучеников вси по единожды. Степенна и прокимен гласа. **Всякое дыхание**: Евангелие воскресно ряду. **Воскресение Христово**: По 50-м псалме **Покаяния отверзи ми двери**: Канон воскресен со ирмосом на 4, Богородице из Октоиха на 2, Триоди на 4 и новомучеником на 4. Катавасиа Сушу глубородительную землю: По 3-й песни кондак и икос новомучеником, Слава, седален новомучеником, И ныне, седален Триоди. По 6-й песни кондак и икос Триоди. По 9-й песни светилен воскресен, Слава, новомучеником, И ныне, Триоди. На хвалитех стихиры воскресны 4, новомучеником 4 со славным с припевами их, Слава, Триоди, И ныне, **Преблагословенна еси**: Перед первым часом стихира евангельская. На литургии блаженна гласа, на 4, и Триоди, песнь 3-я на 4, и новомучеником на 4. По входе тропарь воскресен, новомучеником, кондак воскресен, Слава, кондак новомучеником, И ныне, кондак Триоди. Прокимен, Апостол, аллилуарий, Евангелие и причастен воскресны и новомучеником.

НА ВЕЛИЦЕЙ ВЕЧЕРНИ,

по кафизме,

На Господи, воззвах:

Стихиры воскресны – 4.

И новомучеником на 6, глас 1:

5. Стих: Аще беззакония назриши, Господи, Господи, кто постоит;/ яко у Тебе очищение есть.

Начало ныне положим, о брáтие,/ молением теплым к новым уго́дником Бóжиим:/ тѣи бо страшными мучении очища́еми,/ рождие плодоносныя лозы Христовы явѣшася,/ сла́достью благодати обильно напо́еми,/ во благоухании святости их нам предлага́еми,/ да со умилѣнием назидающеся по́двигом их,// принесем Богу и мы плод покая́ния.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Начáло крещения стра́шнаго,/ имже паки крестися земля Рѹсская,/ восхвалѣте, о горы Кѣевския,/ крестом апостола Андре́а благословѣнныя./ Идѣже бо благодать возсия роду на́шему/ от веры же и Духа во отверзение Царствія Бóжия,/ та́мо подобаше начатися и сему обновлѣнию/ кровию первозакланнаго от святѣтелей рѹсских,/ тезоимѣннаго просветителю на́шему./ Сей бо Владимир но́вый,/ из виноградника своего́ изведѣн/ за врата священныя Лáвры Печѣрския,/ венча́ния Стефанова сподобля́ется,/ прощая и благословляя убива́ющих его́,// яко кроткий молитвенник о душа́х наших.

7. Стих: От стражи утренния до нощи, от стражи утренния,/ да уповаеет Израиль на Господа.

Рыда́ние, жалость и го́ре:/ се свиток Иезекиилев, насытивый ду́шу твою́,/ свѣте Тихоне, Патриа́рше на́ш!/ Да услышится и ныне глас твой: братие, архипастырие и па́стырие,/ зовѣте чада ваша на защиту Церкви правосла́вныя./ Да услышат же и разорители храмов Божиих огненное сло́во твоѣ:/ аще еще токмо именем христианским

нарица́етесь,/ властию нам от Бога данную анафема́тствуем вас./ О страшнаго отлучения вечнаго!/ Се анафема никимже разрешаема!/ Се дерзновение патриаршее!

8. Стих: Яко у Господа милость и многое у Него избавление:/ и Той избавит Израиля от всех беззаконий его.

Неблагодарными едини оставленнии,/ святе царю наш страстотерпче Николае,/ святая царице Александро Новая,/ небесных же наследниче отроче Алексие,/ царственнии девственницы Ольго, Та-тиано, Марие и Анастасие,/ седмерице святая, многими унижении восход обретшая,/ сострадальцы четыре с собою привлекая,/ молитесь с ними Всеблагому Богу,/ да прощения сподобит многопрегрешившия люди российския,/ умирит же мир и спасет души наша.

Ины стихиры, глас 4:

9. Стих: Хвалите господа вси языцы,/ похвалите его вси людие.

Кроток, но непоколебим был еси,/ Петрова града избранниче,/ священномучениче Вениамине,/ копронимы новыми обреченный,/ лжепастырьми преданный власти богоборней./ Тогда же яви ты Бог учителя безбоязненна,/ и се завет твой, из заточения возвещенный:/ да не пощадим мы себе Церкви ради/ и не предадим Свя-тую Церковь себе ради./ На суде же беззаконнем твое слово бысть всем дивно:/ жизнь ли или смерть ныне возвестите ми,/ аз же знаменовав себе святым крестом, реку:// слава Тебе, Господи, Боже, о всех.

10. Стих: Яко утвердися милость Его на нас,/ и истина Господня пребывает во век.

Жертвы Богу живопогребенныя/ в кладезеподобный ров низринутыя:/ прежде всех Елисавета страстотерпица,/ к горним устремленная княгиня милосердная,/ бисер православия в новом Отечестве обретающая,/ Евангельски убийцу мужа своего простившая,/ молитвою и благотворением Богу угодившая,/ безбожными же непощажденная./ Помолитесь за нас святии князие,/ помолитесь за всех преподобнии страстотерпицы,/ Елисавето с Варварою верною./ Услышите нас, в веси Гефсиманийстей погребенныя,/ ус-

лышите нас и тии, ихже погребение неведомо./ Услышите нас паки вкупе приятыя во обители Не́бесныя, // святая осмерице, молитесь Бо́га о нас.

Слава, глас 8:

Адамáнтово мужество ва́ше/ сла́ва есть Церкви Росси́йския, / страстотерпцы и испове́дницы но́вии, / ученицы́ бо есте Филипповы и Ермоге́новы, / прі́снии же многострадальному Патриарху Ті́хону, / иже и даде вам і́мя своё./ Пребы́йте терпéнием в беда́х, / гоними и убива́емыми./ Но кто изочтет и муки, го́ршия сме́рти; / о́баче явистесья и проповедателие сущим с вами во у́зах, / просветителие прежденеве́рующих, / строителие святы́х та́инств./ Велия вера ва́ша, // во всем явисте себе, яко Бо́жии слуги́.

И ныне, догматик гласа. Вход, прокимен, и чтения 3.

НА ЛИТИИ

глас 8:

Ангели Божии радостнии/ призывают, да возрадуемся вси!/ Сии бо радующиеся и о едином грешнице кающемся, / ликовствуют о множестве новых святых, / о мученицех и исповедницех Церкви Росси́йския, / блистающиеся страданьями их:/ се Царь, и сущии от дома Его, / Патриарх, иерарси, священницы, монаси / и множество человек всякаго звания, / узамы и лишеньми искушеннии, / мученьми же лютыми и многообразными / и смертию, яже введе их в жизнь безконечную./ Сего же ради подвига их / дадеся им благодать молитися за ны, / царское бо суть тии священство, / надежда рода нашего обновления, / возвестители милости Спаса нашего, / призвавшаго их в Свой чудный свет.

Слава, и ныне: Богородичен, глас тойже:

Заступнице усердная, / скорбящих присное радование, / утешительница еси призывающих Тя в час испытания, / Пресвятая Владычице Богородице, / виждь храмы Сына Твоего разоренныя, / возри на поругание безбожными смиренных служителей Его, / услыши стенания рабов Твоих, / и Сама со страстотерпцы святыми / заступи и помилуй нас.

НА СТИХОВНЕ

Стихиры воскресны.

Слава, глас 6.

О святии смиреннейшие священницы исповедницы,/ зрим вас, како в страшную годину гонений/ далече от домов ваших сослани бысте./ Зрим вас, гладных, цинготных, вида своего лишенных,/ струпиями кровото-чащими покровенных,/ приставники биемых и сна лишаемых,/ плачущих о чадах оставленных/ и о матерех их беззащитных./ И кто испишет имена ваша!/ Кто поведает миру вся претерпенная вами!/ Обаче ведает Бог избранная Своя,/ сохранившая залог, врученный им даже до смерти,/ и сего ради дерзновение имущия молитися о нас.

И ныне, Богородичен, глас тойже.

Богородице, беспомощным помощи!/ Помози и ныне страждущим лю-дем страны Российския,/ в заточении, в муках, или в тяжких обстояниях сущим./ Тебе молимся, молися Владычице/ со святыми новомученика-ми и исповедниками рода нашего,/ избавитися от бед многих рабом Тво-им.

ТРОПАРЬ, ГЛАС 4:

Цвети Российскаго луга духовнаго/ в годину лютых гонений дивно процветшии/ новомученицы и исповедницы безчисленнии:/ святителие, царственнии страстотерпцы и пастырие,/ монаси и мирстии, мужие, жены же и дети,/ добрый плод в терпении Христу принешии,/ молитесь Ему, яко насадителю вашему,/ да избавит люди Своя от безбожных и злых,/ да утверждается же Церковь Русская/ кровью и страданиями вашими// во спасение душ наших.

Или сей тропарь, новосоставленный, глас тойже:

Днесь радостно ликует Церковь Русская,/ яко мати чада, прославляю-щи новомученики и исповедники своя:/ святители и иереи,/ царственныя страстотерпцы,/ благоверныя князи и княгини,/ преподоб-ныя мужи и жены/ и вся православныя христианы,/ во дни гонения без-божнаго жизнь свою за веру во Христа положившия/ и кровью Истину соблювшия./ Тех предстательством, Долготерпеливе Господи,/ страну нашу в Православии сохрани// до скончания века.

И ныне, Богородичен, глас тойже:

Еже от века утаенное,/ и ангелом несведомое таинство,/ Тобою, Бого-родице, сущим на земли явися: Бог/ в неслитном соединении вопло-щаемь,/ и Крест волею нас ради восприим,/ имже воскресив перво-зданнаго,// спасе от смерти души наша.

НА УТРЕНИ

На Бог Господь: тропарь воскресен [дважды].

Слава, глас 4:

Цвети Российскаго луга духóвнаго/ в годíну лютых гонений дивно процвётшии/ новомученицы и исповедницы безчísленнии:/ свя-тителие, царственнии страстотерпцы и пáстырие,/ монаси и мир-стии, мужие, жены же и дéти,/ дóбрый плод в терпении Христу при-нёсшии,/ молитесь Ему, яко насадителю вáшему,/ да избáвит люди Своя от безбóжных и злых,/ да утверждается же Церковь Рýсская/ кровью́ и страдании вáшими// во спасение дýш наших.

И ныне, Богородичен, глас тойже:

Еже от века утаённое,/ и áнгелом несведомое тáинство,/ Тобою, Богородице, сущим на земли явísся: Бóг/ в неслíтном соединении воплощáемь,/ и Крест волею нас рáди восприйм,/ ýмже воскресив первоздáннаго,// спасе от смерти души нáша.

Полиелей и величание:

Величаем вас,/ святии новомученицы и исповедницы Российстии:/ и чтем честная страдания ваша,/ яже за Христа// претерпели есте.

Псалом избранный:

Бог нам прибéжище и сýла,/ помóщник в скóрбех, обрётших ны́ зе-лó. **С**егó рáди не убоймся, вегда смущáется земл́я, и прелагáются горы в сердца морсќия. **В**озшумéша и смятóшася вóды их, смя-тóшася горы крéпостию Егó. **Р**ечная устремл́ения веселят град Бóжий: остáвил есть сел́ение свое Вы́шний. **Б**ог посреде его, и не подв́ижится: помóжет ему Бог утро заўтра. **С**мятóшася язы́цы, ук-лонíшася цáрствия: даде глас свой Вы́шний, подв́ижесе земл́я. **Г**ос-подь сил с нáми, заступник наш Бог Иáковль. **П**риидíte и в́идите де-ла Бóжия, яже положи́ чудесá на земл́и: **О**тъемля брани до конец земли, лук сокрушит и слóмит ору́жие, и щиты́ сожжёт огнём. **У**-праздн́итесь и уразумéйте, яко Азь есмь Бог: вознесýся во язы́цах, вознесýся на земл́и. **Г**оспóдь сил с нами, заступник наш Бог Иáковль.

Ангельский собор:

посем ектеня малая и возглас: Яко благословися имя Твое: Таже степенна воскресна, прокимен и Евангелие воскресное. Зри: Аще храм святым:

Прокимен, глас 4: Тебе ради, Господи,/ умерщвляеми есмы весь день.

Стих: Вменихомся яко овцы заколения.

Евангелие от Матфея, зачало 36-е.

По 50 псалме стихира, глас 6:

Воскресения Христова истиннии свидѣтели/ явишася новии страстотерпцы и исповѣдницы,/ имже праздник сей составихом/ како бы тии понесли крѣст свой,/ аще не бы знали,/ яко недостоиини суть страдания нынешняго врѣмене,// к хотящей славе явѣтися в них.

Даже до зде храма святым.

Каноны:

Воскресный и Богородицы гласа. Аще в Неделю мытареву, или блуднаго, или мясопустную, смотри Маркову главу ианнуариа в 30-й день. Таже новомучеников канон, глас 6:

Песнь 1

Ирмос: Волною морскою скрывшаго древле, гонителя мучителя, под землю скрыша спасенных отроцы: но мы яко отроковицы, Господеви поим, славно бо прославися.

Песнь 3

Ирмос: Тебе на водах повесившаго всю землю неодолимо, тварь видевши на лобнем висима, ужасом многим содрогашеся, несть свят, разве Тебе, Господи, взывающи.

Кондак, глас 2:

Нóвии страстотерпцы Россійстии,/ исповѣднически поприще земное претѣкшии,/ страданьми дерзновение приимшии, молитесь Христу, вас укрепившему,/ да и мы, егда на ны испытанія час,/ мѹжества дар Божий восприимем./ Образ бо есте лобызаю-

щим по́двиг ва́ш,/ яко ни скорбь, ни тесно́та, ни сме́рть// от любви Божия разлучити вас не возмого́ша.

Ин кондак, новосоставленный, глас 3:

Днесь новомученицы Российстии/ в ризах белых предстоят Агнцу Божию/ и со Ангелы песнь победную воспевают Богу:/ благословение, и слава, и премудрость,/ и хвала, и честь,/ и сила, и крепость/ нашему Богу/ во веки веков. Аминь.

Песнь 4

Ирмос: На Кресте Твое Божественное истощание провидя Аввакум, ужасся, вопияше: Ты сильных пресекл еси державу, Блаже, приобщаяся сущим во аде, яко Всесилен.

Песнь 5

Ирмос: Богоявления Твоего, Христе, к нам милостивно бывшего, Исаия свет виде в не вечерний, из ноши утреневав взываше: воскреснут мертвии, и востанут сущии во гробех, и вси земнороднии возрадуются.

Песнь 6

Ирмос: Ят бысть, но не удержан в персех китовых Иона: Твой бо образ нося, страдавшаго, и погребению давшагося, яко от чертога от зверя изыде: приглашаше же кустодии, хранящии суетная и ложная, милость сию оставили есте.

Песнь 7

Ирмос: Неизреченное чудо, в печи избавивый преподобныя отроки из пламене, во гробе мертв бездыханен полагается, во спасение нас поющих: Избавителю Боже, благословен еси.

Песнь 8

Ирмос: Ужаснися бояйся небо, и да подвижатся основания земли: се бо в мертвецах вменяется в вышних Живый, и во гроб мал странноприемлется. Егоже отроцы благословите, священницы воспойте, людие превозносите во вся веки.

Песнь 9

Ирмос: Не рыдай мене, Мати, зрящи во гробе, Егоже во чреве без Семене зачала еси Сына: востану бо и прославлюся и вознесу со славою, непрестанно яко Бог, верою и любовию Тя величающия.

НА ХВАЛИТЕХ

Стихиры воскресны Октоиха, таже святых новомучеников, глас 6.

Подобен: Все отложше:

5. Стих: Хвалите Егó в тимпáне и ли́це,/ хвалите Егó во стру́нах и орга́не.

Слы́ша стра́шну весть/ о гонениях, на Церковь Божию воздвигну-
тых,/ Всероссийский наш Собор, священный и великий,/ во едину
мысль соборну вся совокупи/ и моления устави о гонимых/ и о уби-
енных исповедницех и мученицех/ в день святителя Владимира
страдания и смерти./ Мудрствуяй сей день со Церковию мудрству-
ет:/ дние преставления отшедших к Богу в муках/ днями рождест-
ва их наречени быша./ Сего ради совершаем праздник сей,/ яко
рождество Российских новых страстотерпцев.

1. Стих: Хвалите Егó в кимва́лех доброгласных, хвалите Егó в ким-
ва́лех восклицáния./ Вся́кое дыха́ние да хва́лит Го́спода.

**Первоубиеннии за Веру и Церковь,/ первии по имени поминовеннии
Святейшим Патриархом:/ о святителю Владимире, Печерский агн-
че,¹/ и пресвитеры старейшии сии:/ Иоанне², Петре³ же Иосифе⁴ и
Павле,⁵/ преподобномученицы же Гервасие,⁶ Герасиме,⁷/ паки же
священномученицы Павле,⁸ Петре⁹ и Феодоре,¹⁰/ Михаиле,¹¹ и
Владимире¹² и Константине,¹³/ диаконе Иоанне,¹⁴ послушнике Ан-
тоние¹⁵ и смотрителю Иоанне¹⁶/ со многим множеством священных,**

¹ Святой священномученик Владимир (Богоявленский), митрополит Киевский и Галицкий, в Киевских Дальних пещерах почивающий († 25 января 1918)

² Святой священномученик Иоанн (Кочуров) протоиерей, Царскосельский, Петроградский († 31 октября 1917, память 8 декабря)

³ Святой священномученик Петр (Скипетров) протоиерей, Петроградский († 19 января 1918)

⁴ Святой священномученик Иосиф (Смирнов) протоиерей, Костромской († 22 февраля 1918)

⁵ Святой священномученик Павел (Дернов) протоиерей, Елабужский († 14 февраля 1918)

⁶ Святой преподобномученик Гервасий, игумен Свенский, Брянский († 1918)

⁷ Святой преподобномученик Герасим, священноинок Свенский, Брянский († 1918)

⁸ Святой священномученик Павел (Кушников) иерей, Бельский, Новгородский († 23 февраля 1918)

⁹ Святой священномученик Петр (Покрываев) иерей, Тульский († 1918)

¹⁰ Святой священномученик Феодор (Афанасьев) иерей, Орловский († 1918)

¹¹ Святой священномученик Михаил (Чафранов) иерей, Севастопольский († 1918)

¹² Святой священномученик Владимир (Ильинский) иерей, Костромской († 22 февраля 1918)

¹³ Святой священномученик Константин (Снятиновский) иерей, Ярославский († 1918)

¹⁴ Святой мученик Иоанн (Касторский) диакон, Костромской († 22 февраля 1918)

¹⁵ Святой мученик Антоний, послушник Свенский, Брянский († 1918)

¹⁶ Святой мученик Иоанн Перебаскин, смотритель Солигаличского Духовного училища († 22 февраля 1918)

и монахов, и мирских,/ ихже имена вся вестъ Господь, молитесь Его о еже спастися нам.

Стих: Блажен муж бояйся Господа, в заповедех Его восхощет зело.

Вкупе со святым царем на всяк день оскорбляеми,/ о святити царице страстотерпице и девы царственнии,/ отроче же царственный свя-
тый/ и послужившии вам сострадальцы вернии,/ нощию неправедне
вси убиени бысте,/ таже, яко жертвы правды всесожжени/ ходатаи
есте о нас, яко кадило Богу благовонное./ С вами же и во другой
день в страшных муках живопогребеннии/ со княгинею святою и
другинею ея./ Ныне же всех спострадавших предваряя, о царю Ни-
колае,/ рода нашего святыи печальниче,/ яко новый Иов, Господа
моли простити всех.

Глас 8.

Стих: Священницы Твои облечутся в правду, и преподобнии Твои
возрадуются.

Отрекошася просити милости/ осужденнии от безбожников священ-
ницы Божии¹⁷/ ихже благослови святыи Патриарх,/ на муки и на
смерть за Христа./ Егда же воутрие ведоми быша на казнь,/ не ве-
дяху стражие,/ како сретшия их верныя отгонити./ Лобызаху бо
людие обреченным смертником/ и священныя рuce их и одежды
край,/ онем победно поющим:/ Христос воскресе из мертвых,/
смертию смерть поправ./ Господи молитвами священномучеников
сих помилуй нас.

Слава: Стихира Евангельская [или Триоди].

Зри: Аще храм новомучеников, **Слава:** стихира святых, **глас 1:** Не
человецы спасают Церковь: [на малей вечерни].

И ныне: Богородичен, **глас 2:** Препоблагословенна еси, Богородице
Деве:

¹⁷ Святые мученики, пострадавшие от безбожников во время так называемого "процесса московских священников": святые священномученики протоиереи Василий (Соколов), Христофор (Надеждин) и Александр (Заозерский), священноинок Макарий (Телегин) и святой мученик мирянин Сергей Тихомиров († 20 мая 1922).

НА ЛИТУРГИИ:

Блаженны гласа на 6 и святых новомучеников на 4:

Помяни Господи, страшная мучения, имиже о Тебе пострадаша страсотерпцы новии, от рода нашего ныне прозябшии, и приими моления их о спасении нашем.

Отверзл еси, Судие праведный, Царство Небесное исповедником Церкви Российския. Услыши, Господи, правду их, вонми молению их о спасении душ наших.

Слава: О Троице Пребожественная! Возврати пленение наше. Ве-мы, яко умножися якоже николиже прежде грех в стране нашей, но возсия и благодать в подвиге новых святых, иже и молят Тя, Трисвятый Боже, о спасении душ наших.

И ныне: Расточенныя собери, малодушныя возстави, отрекшияся же от святых веры призиви и обрати, о Благодатная и Пречистая Дево Марие, со святыми новомученики и исповедники Христа Спа-са умоляющи/ о прощении и спасении душ наших.

По входе тропари по уставу святых, имущих бдение, прилучившихся в неделю. Аще же Триодь, смотри Маркову главу ианнуариа 30-й день.

Прокимен гласа [или по Триоди] и святых, глас 7-й:

Тебе ради Господи, умерщвляеми есмы весь день.

Апостол рядовой и святых к Римлянам зачало 99.

Аллилуиа гласа и святых глас 4: Воззваша праведнии и Господь услыша их и от всех скорбей избави их.

Причастен: Хвалите Господа с небес:

И святых: Радуйтеся праведнии о Господе:

На молебном пении тойже прокимен: Тебе ради Господи: но глас 4-й: [смотри стих на утрени].

Евангелие от Матфеа зач. 36-е.